

PATHIANIN A SIAM . . .



CHÂNGVAWN: “Mi rethei hnehchiahtu chu a Siamtu hnehchhiah a ni a, mah se tlachhamte khawngaihtu chuan a châwimâwi a ni” (*Thufingte 14:31, NKJV*).

SABBATH CHAWHNÛ

JUNE 29

Chhiar Tûr: *Genesis 1–3; 4:1–9; Sâm 24:1; 148; Matthaia 22:37–39; Tirkhohte 17:28; Thupuan 14:7.*

THIL eng emaw—kutthemthiamna lam thil emaw, ei siam lam emaw puitlin hmâa tihchhiat palh emaw, bâwlsakten an lo duh leh sî loh emaw angte i tawng tawh ngai em? I tawng tawh a nih chuan, Pathianin khawvêl a’ n siam a, mihringte hnêna nunna a pêk hnû lawka sualnain a tihchingpensak leh ta sî rilru nat dân tûr chu i hriatthiampui deuh mai thei e.

Bible chuan khawvêl kha fîmkhur taka siam a nih thû leh, ‘ṭha taka’ siam a nih thû a sawi a. A thilsiam chung a Pathian hlim leh lâwmzia chu *Genesis 1* leh 2-in chiang takin a târlang a. Chutiang behchhan chuan, *Genesis 3*-a Tlûkna lo thleng ta hi chhiarin, A mihring siamte a hmachhawn laia Pathian rilru nat dân tûr chu kan man thiam thei ang.

Kum za tam tak chhûng kan khawvêla sualna te, thawrum thawhna te, hleihnehna te, leh uâlâu taka helna te a chhuak chung a

Pathianin a hmangaih zui zêl tho sî ka a mak ngawt a ni. Chû âi pawha la mak cheu chu, Pathianin tlanna hnâ a kalpui leh, khawvêl siam-ṭhat hnâ a thawh mêk laiin, keini ringtûte hnênah hian A ruâhmanna zâu zâwkte lo famkimna atân chanvo min pe vê hi a ni. Ni e, keini hi A khawngaihna dawngtûte kan ni a, khawngaihna kan dawn aṭang chuan, kan LALPA thawh-puitûte ni tûra hna pêkte kan ni. Mawhphurhna thianghlim a va ni teh rêng êm!

SUNDAY

JUNE 30

Pathian: A Thilsiam Ziarâng

Hê khawvêl leh a chhûnga thil nung zawng zawng, kan nunna leh kan thil tihte bâkah, kan vêla mîte nêna kan khawsak ho dân chen a, a ṭha thei ang bera nun kan hman dân hi—”Amah avângin kan nung, kan chê, ruângâm kan nei a ni sî a” (*Tirhkohte 17:28*, NKJV) tiha innghat vek a ni.

Bible thawnthu inṭanna chu: “A tîrin Pathianin vânte leh lei a siam a” (*Genesis 1:1*, NKJV) tih a ni. ‘*A sawi a*’ a lo awm ta mai tih pawh hian kan suangtuah thiam phâk bâk thiltihtheihna leh chêtna a kâwk a ni.

Chuti chungin, Pathian chuan hla taka awm chungin A siam a ni lo; mihring hmasa ber A siamnaah pheï kha chuan mahni ngêi a lo chê a ni (*Genesis 2:7*).

***Genesis 1:26–31*-a mihring hmasa ber siam thû kha chhiar la. Pathian chungchânga thil pawimawh eng nge hê thû hian min hrilh? Mihring chungchâng eng thil pawimawhte nge min hrilh bawk?**

Thilsiamte thlîr a, chîk taka kan bih chuan, chûng aṭang chuan Amah Siamtû nungchang ziarâng kan hmûin, kan zir thei tih an sawi fo ṭhîn. Chû chauh ni lo vin, Amah Pathian chungchâng kan hriatthiamna aṭang chuan, kan khawvêl hi eng atân nge A lo siam tih pawh kan hre tel thei bawk a. Entîr nân, Pathian chu

thil fel thlip thlep ngaina mî a nih chuan, chutiang chu A kutchhuak thilsiamahnte pawh hmuh kan inbeisei thei ang. A nih loh le, Pathian chu thil ngaihtuah chhuak thiam tak mî anga kan ngai dâwn a nih chuan, A khawvêl siam thiamzia entîrna lo langte pawh hi mak ti lutuka (âwih lo hiâl) tûr kan ni lo vang.

Chutiang bawkin, Pathian chu inlaichînna neihpui nuâmti mî-ah kan ngai a; tichuan, Pathianin khawvêla min awm khâwmtîrnaah pawh inlaichînna pawimawhzia kan hmu nghâl a. Khawvêl leilung thilte hi Thilsiam dangte nêna inlaichînna nei tawn vekin a siam a. Ransâte pawh inrema khawsa tlâng tûrin a siam a. Mihringte pheih chu Amah nêh, kan mihringpuite bâkah, thilsiam dangte nêh pawha inlaichîn tlâng tûrin min siam a ni.

Amah Pathian kan hriatna hi chu a la tlêm tham deuh nân, Amâ nungchang kan hriatna hian khawvêl hi engtianga awm tûr nge tih ngaihtuahna chu min neih tîr ngêi tûr a ni.

Sual hnûhmâ hmuh tûr a tam hlê chungin, Pathian nungchang lo lang chhuak kan hmuh theihna tûrin khawvêla thil kan hmuhte hriatthiamna neih hi eng ang taka sâwtpuiawm nge ni?

THAWHTANNI
Khawvêl Famkim

JULY 1

Eden-a chên leh châkna neih a awl hlê a. Pathianin Adama leh Evi-te chênna hmun atâna A siamsak hmun chungchâng tâwi tê pawh hian chên châkna thinlung min puttîr a. Chutiang hmun khawvêl awmphung tûr kan hre mai lo nân, han chên vê châkna kan nei tho si a ni.

Pathian meuh pawh kha lungâwi hlih hlih tûr angin a ngaih theih a: “Pathianin A thil siam zawng zawngte chu a en a, thâ a ti êm êm a” (*Genesis 1:31*, NIV). Pathian khân thil mâwi leh tângkaina neiin thil eng emaw a siam a. A lan dânah leh a taka hman kawngah a nih tûr ang thlap a ni a. Nung leh mâwi sar a

nih bâkah, nunna atâna ƣangkaina nei tûr hlîrin a khat a. A kut chhuak thilte chu a ƣat êm avângin Pathian pawhin hlim takin a thlîr vê vang vang a ni.

Genesis 1 chhiar la. “Pathianin a en a, ƣhâ a ti hlê a” tih thû sawi nawn fo chhan hi eng nge ni tûra i ngaih? En tûr: Genesis 1:4, 10, 12, 18, 25, 31.

Tlûkna thlen hnû daiha ziah a ni chungin, Bible hi kan khawvêla thil ƣhâ châwisânnain a khat a ni ber a, entîr nân, hêng *Joba 38 to 41* leh *Sâm 148*-ahte hian a Chiang hlê. Hêng thûte hian sual luh hmâ, hmânlai huna siam khawvêl awm dân ang lekin a ziak lo va, tûnlai kan khawvêl dinhmun hmun ƣa tak lawmna angin a ziak zâwk a ni.

Isua pawh khân, Pathian ƣatna leh kan khawvêl A enkawl dân entîrna atân a hmang a (*entîrna, Matthaia 6:26, 28–30*), chutah chuan Pathian rinchhana nung kan nih leh, kan chhevêla Pathian thilthlâwnpêk kan dawnte ngaihhlut thû pawh a sawi bawk. Kan mitte kan men a, Siamtû kutchhuak duhawm takte kan thlîr chuan, Siamtû hnên aƣanga thilthlâwnpêk kan dawnte chu Chiang takin kan hmu thei ang. Harsatnaten min tlâkbuak ƣhîn chungin, chûng kan chhânlêt dân tûr chu lâwmnachâng hria a, inngaitlâwm taka Thilpêk-petû hnêna lâwmthû sawi mawlh mawlh tûr kan ni.

Keini Seventh-day Adventist—Thilsiam châwisâng leh Pathian lalram lo thleng mai tûr nghahfâka neitûte hian—kan khawvêla thil mâwi te, thil hlimawm te, leh ƣatna kan hmuhte hi khawvêl siam tirha a awm dân leh, nakina siam thar a nih leh huna a awm dân tûr ziarêng lek fang a ni tih kan man thiam ngêi tûr a ni ang.

Nangmâ nuntawng ngêi aƣangin, Thilsiam maknate chungchâng eng tak chu nge i ngaihhlut zuâl le? Nangmâ nî tin nunah, engtin nge kan khawvêl thilmakte hmangin LALPA chu i hriatthiam lehzual theih ang? _____

Bible sawi dânin, Eden Huan leh khawvêl siam thar hlim kha hmun chêngnâwnng tak niin, hmuingîl taka nunna tûr leh, mihringten nuam ti taka an chênna tûr hmun a ni.

Pathian khân mihring hmasa berte hnênah leh, keini an thlah kal zêlte hnênah pawh, A thilsiam chuan mawhphurhna hlen tûr a pê a. Anin thil a siam dân phung ațang ni ngawt lova Chiang nghâl tak chu, A khawvêl siam tharah khân Adama leh Evi-ten dinhmun pawimawh bîk an chang tûr kha a ni.

Adama hnêna hna pêk hmasak ber chu ransâte leh savâte hming phuahsak kha a ni a (*Genesis 2:19*). Chutah mawhphurhna dang pêk leh niin, chû chu Amah Pathian hnên ațanga malsâwmna ni tûr a ni: “Pathianin anmahni mal a sâwm a; Pathian vêkin an hnênah, ‘Chi tam tak thlaha lo pungin, leilung hi luah khat ula, in thû thûin awmtîr rawh u; tuifinriata sangha chungah te, chunglêng sava chungah te, thil nung leia bawkvâka kal zawng zawng chungah te thû nei baw rawh u,’ a ti a” (*Genesis 1:28*, NIV).

***Genesis 1:28* leh *2:15* chhiarin khâikhin la. Engtin nge mihringte mawhphurhna (hnâ) kha i sawi fiah ang?**

Kristian chanchinah hian, *Genesis 1:28* thû hi nawm leh mâka hman phalna, kan chênna khawvêl tichhe tûr khawpa tihcherêu phalna angin thenkhatten an hmang a. Kan khawvêl chu mihringte tân siam chu a ni ngêi mai. Mahse, *Genesis 2:15* thû ang chuan ‘enkawl leh vêng tûra’ (NIV) mawhphurhna a ni zâwk.

Enkawltu nihna chungchâng kan sawiin, sum leh pâi hi rilrûah a lo lang tângpui a; mahse, Bible chuan Pathian siam khawvêl enkawlna mawh chu min phurhtîr hmasa zâwk sî a ni. Adama leh Evi-te hnêna thupêk pawh khân khawvêl chu an fâte leh thlah kal zêlte nêna an chên hona tûr a ni tih a entîr a. A tîra khawvêl siam a nih a Pathian ruâhman dânah khân, kan khawvêl

chu mihring zawng zawngte tâna nunna te, thatna leh mâwina hnâr ni tûr a ni a, chutah chuan Adama leh Evi-ten enkawl tûra mawhphurhna lian tak an nei a ni.

Leilung hi LALPÂ tâ a la ni reng a (*Sâm 24:1*), Pathianin min pêk zawng zawngte enkawltu ni tûra koh kan ni theuh bawk. Suala tlûk hnû pheh hi chuan kan mawhphurhna chu a lian sauh zâwk a ni.

Khawvêl tlu tawh, tûnlai hunah hian ‘khawvêl enkawltu’ tih hian eng awmzia nge a neih? Hê mawhphurhna hriatthiamna hian i nî tin nunah nghawng a neih tûr le?

NILÂINÎ

JULY 3

Khawvêl Keh Chhia

Leia thil awm vê dangte hnêna pêk ni vê lo, Pathianin Adama leh Evi-te hnêna a pêk pakhat chu *duhthlang tûra* zalênna a ni. Thlâi leh ransâte leh thing leh mâute chu chutianga duhthlang tûra zalênna an nei vê lo. Hê duhthlan theihna tak hi Pathianin a ngaihlu êm êm a, chuvâng chuan A mîten an duh a nih phawt chuan thuâwih loh pawh thleng thei tûra zalênna a pe hial a ni. Chutianga tihnaah chuan Pathian meuh pawhin hmangaihna leh duhthlang theia a siamnaa A thiltum ropui zâwk, Amah leh mihringte inlaichînna chu dinhmun hlauhawma awmtîr thei tûr a ni hial rêng a ni.

Chutih laiin tichhetu pawh a lo awm vê bawk a (hê duhthlang thei tûra zalênna hi angelte pawhin an nei vê tho va), chu mî chuan Pathian hê leia A thilsiam thâ leh famkim bâkah, thilsiam chungchuâng bîk—mihringte ngêi chu tihchhiat a tum ta tlat a. Rûlpui hmanga thû sawiin, Setana chuan Pathian thilsiam thâ leh famkim chu thâ tâwk chiah lo anga ngaihtîr tûr zâwngin zawhna a’ n siam a (*Genesis 3:1–5*). Thlêmna chu an hnêna Pathianin a lo pêk tawh duh khawp lohna, Pathian thatna rinhlelhna leh, mahnia inrinchhanna a ni.

Duhthlanna leh chû thil a taka tihnaah, Pathianin thil a siama A ruâhman anga inlaichînnate chu a lo keh chhe ta a. Adama leh Evi-te chuan an tâna hlimna ni tûra duân, anmahni Siamtu

nêna inkûngkaihna hlimawm tak chu an chên zui thei ta lo (*Genesis 3:8–10*). Khâng mi pahnihte khân saruâk leh zahthlâk an ni tih an inhre nghâl thuai a. An pahnih kêra inlaichînna pawh chu siam ðat ruâl loh khawpin a danglam zo ta. Hê khawvêla awm vê dangte nêna an inlaichînna pawh lo danglamin, a chhe zo ta bawk a ni.

***Genesis 3:16–19* chhiar la. Hêng chângte hian mihringte leh kan leilung awm dân kêra inlaichînna lo danglam ta chungchâng eng nge min hrilh?**

Sual chu a taka awm a nih avângin, Adama leh Evi-te tân pawh thilsiam dangte nêna inlaichînnaah harsatna a lo thleng nghâl a. Sual nghawng ða lo chu a takin a lo lang a, mihringah leh kan kêra inlaichînna a nghawng a. Dik tak chuan Siamtu Pathian pawh kan hlat ta daih mai a ni. Kan chhôngkuate pawh kawng tam takin a nghawng khawlo zo va, mi dangte nêna kan inkûngkainaah pawh chona lian tak a awm ta fo mai. Kan chhehvêl thilte leh kan chênna nêna kan inlaichînna pawh chuti tho chu a ni ta mai. Kan nun kawng tin rêngah leh, kan khawvêlah ngêi pawh sual vâng inlaichînna keh chhe ta chu a lang zêl mai a ni.

Mahse, hei hi Pathianin khawvêl awm dân tûra a siam chu a ni lo. *Genesis 3*-a ‘ânchhiate’ pawh kha, Pathianin kan khawvêl siamthar lehin, sualnain a tihchingpen tawh inlaichînnaate pawh siamðat a ni ang tih thutiam nêna a lo thleng a. Suâl chîm buai, a nghawng ða lote tuâr kan nih mêk lai hian, khawvêl siam tirha a ðatna kha vawng nung tûr leh, hê khawvêl tâna Pathian ruâhmanna a taka nunpui tûra kohte kan ni.

NINGÂNÍ
Mihringte Inkûngkaih Tlânna

JULY 4

Sual a lo thlen chinah kan khawvêl chu chawplehchilhin a keh chhe ðan a. Inîtsîkna te, inhriatthiam lohna te, thinrimna te chu ûnau hmasa berte chungah a lo thleng zui a. Pathianin Kaina hnêna zawhna a siam pawh khân, a chhâna chu “Ka ûnaupa vêngtu ka ni em

ni?” (*Genesis 4:9*) tia zawhna a ni nân, Pathian chhâna erawh chuan “Ni e, teh rêng mai, i ûnaupa vêngtu i ni” tih a kâwk sî a ni.

Thufingte 22:2 chhiar la. Hê thu tuangtlam takin a kawh chu eng nge ni? Kan mihring puite nêna kan inlaichîna chungchâng eng nge min hrilh?

Kan mi hmuh tinte hi Pathian siam vek an ni a, kan inlaichînpui dân chu lo duhawm luâ lo pawh ni se, Amah anna neia a siam, eng emawti kawng zâwnga Pathian nêna zawmpui ka nihpuite vek an ni. “Mihring kan nihnaah hian kan inzawm vek a. Kan mihring ûnau khawi lai pawha mîte chungah thil ̣ha lo thleng rêng rêng chuan mi tin chungah pawh chhiatna eng emaw ti kawng talin a thlen thîn a ni.”—Ellen G. White, *Tihdam Rawngbâwlna*, (2nd Edition, 2014), p. 325. Kan duh emaw, duh lo emaw pawh ni se, hê inzawm tlânna avâng hian, Pathian min pêk mawhphurhna chu kan innehsak tlâng ̣heuh sî a ni (*Matthaia 22:37–39*).

Bible pum puiah hian, Pathian chu min Siamtu a nih thû hi a lang nawn fo va. Entîr nân, Sabbath kan hriat reng chhan tûrte zînga pakhat (*Exodus 20:11*) leh tâwpna hun a Pathian chibai kan bûk chhan tûr (*Thupuan. 14:7*) pawh a ni a. Chû vêk chu mi dangte kan ngaihsak leh vânduaina tlâkbuakte kan vei chhan tûr pawimawh tak pawh a ni.

Pathian aţanga chhuak kan nih tlânna kan inthlun zawm tlâng a. Tû pawh “Mi rethei hnehchiahtu chu a Siamtu hnehchhia a ni a, tlachhamte khawngaihtu chuan a châwimâwi a ni” (*Thufingte 14:31*, NIV). Kan inzawm tlânzia chu a Chiang tâwk hlê lo maw?

Min Siamtu a nihna Pathianin kan laka ngiat a nei a, chû chuan kan nun pum pui, kan chibaibûkna leh, mi dangte tâna rawngbâwlna leh ngaihsakna pawh a huâm tel a. Eng emaw chângte chuan remchâng lo leh harsa tak angin a langte pawh a ni ang, kan zâ hian “kan ûnau vêngtu” chu kan ni ̣heuh sî a ni.

Siamtu a nihnaa Pathian thil ngiât chungchâng Bible-a lo lang nawn fo hi a chhan eng ni tûrin nge i ngaih? Engati

nge hei hi a pawimawh a, chú chuan mi dangte kan en dânah eng awmzia nei tûr nge a nih ang?

ZIRTÂWPŊÍ

JULY 5

ZIR ZÂUNA: Chhiar tûr: Ellen G. White lehkhabu, *Thlahtubulte leh Zâwlneite*, (2nd Edition, 2014) “Lei leh Vân Siamna,” pp. 21–29.

“‘Pathian chu hmangaihna a ni.’ A nihphung leh a dân chu hmangaihna a ni, a ni reng tawh a, a ni zêl ang. ‘Hmun chungnung leh thianghlimah ka awm a,’ titû ‘kawngte chu chatuan ata’ danglam lo a ni. ‘Amahah chuan danglamna leh herna hlim rêng rêng a awm lo.’ Thilsiam tûra a chakna puanchhuahna tin rêng hi A hmangaihna târlanna a ni. Pathian ropuina chu thilsiam zawng zawngte tâna malsâwmna famkim a nihna hi a ni.”—Ellen G. White, *Thlahtubulte leh Zâwlneite*, p. 9.

“Mihringte hi Lalpa bungraw enkawltu rinawm anga an che dân a nih chuan, eitûr dîla âuthâwm hriat tûr te a awm lo vang a, tlachhama hrehawm tuâr an awm hek lo vang a, saruâk leh tlachham pawh an awm hek lo vang. Tawrhna dinhmun min hnûk lûtta chu mihringte rinawm lohna vâng vek a ni... Pathianin mihringte hi A sum enkawltuah min siam a, mihring zînga tawrhna te, dinhmun châu te, saruâkna leh tlâkchhamna lo thlengah hian Ani chu kan puh tûr a ni lo. Lalpan mî zawng zawngte thapui tûr khawp malsâwmna min vûr tam tâwk a ni.”—Ellen G. White, *Welfare Ministry*, p. 16.

ZAWHNA SAWI HO TÛR:

- ❶ **A chung a Pi White-i thu ziah hi fîmkhur takin en la. Eng nge a sawi? Retheihna kan hmuh tam taka mawhphurtu chu tu nge ni? Enkawltu rinawm nih pawimawhna chungchâng eng nge hei hian a sawi?**
- ❷ **Sual vânga chhiatna thlen chhûng hi a rei ta hlê a, chutichungin, Thilsiam thapna eng thilte nge kan la hmuh theih cheu tho le? Siamtu Pathian ringtûte kan nih angin,**

A thilsiam ðatna mîten an hmuh theih nân engtin nge kan ðanpui ang?

③ **Enkawltu** tih i hriatthiam dân chu eng nge ni? Pathian kohte kan ni a, enkawltu nih awmzia i man thiam dân tûn kâr zirlai hian a tih zauhsak deuh che em?

④ **Mî** kan tawh apiangte chalah hian “Hei hi Pathianin Amah anga a siam chu a ni” tih hi hmuh theih ni ta zêl se, chû mi kan en dân leh kûngkaihpui dân chu engtianga danglam tûr angin nge i ngaih?

KHÂIKHÂWMNA: Pathianin khawvêl duhawm leh ðhafamkim a siam a, Amâ anpuia a siam mihringte kutah enkawltu nih mawhphurhna pên, A thilsiam “enkawl leh vêng” tûrin a ti a. A tîra Pathian ruâhman ang inlaichînna min neihpui a tum chu sualin tikhawlo zo ta mah se, thilsiamte ðha taka enkawltu leh, kan mihring puite ngaihsaktu ni tûra mawhphurhna chu min la pe zui a. Chû mawhphurhna ðha taka hlen chu Siamtu a nihna anga Pathian chibaibûkna kawng khat chu a ni.